




半山藏稿卷之十二

永嘉王叔果育德著

雜著上

論學示家塾



夫理淆於言之煩乎學敝於行之倦乎言煩者迷於多岐行倦者墮於實踐學敝久矣故漢宗黃老唐尚佛氏皆曠遠而失其經者也宋之理學稱盛然其末流溷老釋以鳴真傳膠主靜之談掇徑超之語謹禮者病爲嚼木堅持者訾爲

半山藏稿 卷十二

天卷十二

一

頁八三

滯着往往以禪附儒而不之覺焉世之人從而祖之甚至崇虛超邁鮮可檢實彼所論執不過飾浮談以聳觀聽耳而欲名爲學誰其然哉夫學者所以學爲聖與賢也賢聖之道彝倫而已矣舜命契以五品所稱父子有親君臣有義夫婦長幼有別與序朋友有信是時士安其教所習爲學者亦惟六德六行六藝是已世道日移士人爭新其說舍近外常而騁乎意見視宋儒之流又將甚之噫斯學益荒且支也已頃理學

日明先正倡爲良知之旨學者庶幾持爲正印  
顧習其說者類揣景象而忽躬行遂以其言或  
病於偏吾以良知之說非始於今也孟子以孩  
提之良知發而爲孝弟孝弟仁義之實人倫之  
所先也故人能忠於君孝於親先施於朋友刑  
于於妻子兄弟雖不談說天人稽述性命而行  
中倫事中慮所謂庸言之謹庸德之行慥慥乎  
君子者是已否則標立門戶以裁群言考之紙  
上聆其詞說爛如也而求其實則蔑然何取於  
學也哉夫御非習於用智者不乘食非滋於養  
保生者不餐學者異是爲不知類矣是故不以  
言而先行不以文而退質不以高遠而略近裏  
視日用應酬爲學之實地綱常倫理爲學之實  
事進退辭受爲學之實功明而習之率而循之  
求無虧于本體庶乎可以語學也不然崇談宏  
議炫目而濫聰不曰藻繪則曰說鈴又何學之  
足云

與用敬姪論調息

予蚤衰而多疾輔以醫藥久之屏藥物日事靜攝端居恬養時取叅同契諸書共族子用敬論而訂焉間語及調息日夕試習之宅神於內而遺暇於外庶幾惺然覺也因感而言曰夫息之調豈區區脩煉形氣爲哉莊子有云古之真人其寢不夢其覺無憂其食不甘其息深深其嗜欲深者其天機淺天機之真候爲息至靜而至虛至神而至覺者也不爲欲所乘則其氣自伏其息自如養生家所謂齋戒爲信解安處爲閒解存想爲慧解坐忘爲定解四門通神爲神解莫非息之調也或謂調息惟老而佚者宜事之非進脩者所當務予曰不然人之多思多智多勞奪於中而化於外其息散逸而莫羈矣水潛爲五精火達爲五臭木盛爲五色金實爲五聲土滋爲五味化生之在天地者不可窮人之一呼一吸其氣之乘乎五行者息爲之也故能澄之以無應之以虛舉形聲臭味不以滑吾之息則居身者可以清心寡欲用世者可以省事守

儉而清淨寧一之福豈惟衛生長年已哉莊生嗜欲天機之語程子嘗善其言朱晦翁晚而齋居取調息以自箴予方習靜功且味乎息之調庶以養和心靈爲葆真之要旨因次其論述銘于座右彼曰爾默默爾冥冥爾母以堅白鳴則爲說具在亦何敢臆云

家誠論一

客有問於予曰堪輿之術有之乎予曰有之客

曰福善禍淫天道之常使必取驗於一山一水

半山藏稿卷十二

四

三百〇九

是反其報施之理也予曰子之論然矣顧人之挾是術行於世者所過丘墓曰某也吉某也凶某也多福某也多禍無不奇中者而可謂無之乎客曰唯唯願先生終其說予乃折衷所聞而喻之曰地理之說吾不知其始而易云山澤通氣詩云相其陰陽孝經謂卜其宅兆則其理固已講於古矣然非以徼福於天也及晉郭記室持其說袁李楊曾接踵而出而其術始重於時大都以勢之變化氣之聚散濟以時日孤虛旺

相以爲吉凶之應世之人尊其說而不疑謂可以福其身及其子孫甚至懷覬覦之心而萌攘取之計畢其智力圖徼福焉噫斯其術之流不爲世蠹哉故孝子慈孫於其平時慎擇善地候土而驗氣一旦有大故則奉安親之遺體以致其慎終之孝程子所謂戒避五患朱子所謂必慎必誠不使少有後日之悔者庶幾得之矣乃若福蔭之說死者旣寧則生者自昌昔人謂由根達枝殆亦理之不爽者也雖然易言殃慶而半山藏稿下卷十二

五

必本於善不善之積堪輿家有爲先天八卦後天八卦之說者蓋本諸易使其地吉矣時日善矣而後人不蒙其福凡此皆冥冥中有以使之由不積德之故也故人有令德然後神以吉地畀之神之畀以吉地者卽天之所以報善也語云好穴在方寸間脩德以俟天擇地以盡人亦存乎此心焉耳問者聞予言諾而退

二

孟子曰子路人告之以有過則喜周子釋之曰

今人有過不喜人規如諱疾而忌醫寧滅其身而不悟也予謂非忌醫也忌人也人者父兄弟親戚朋友之謂也故風寒暑濕得之外感者無不可對人言何諱也惟縱佚怨怒出於內傷者言之恐貽父兄弟親戚朋友非笑故諱之夫既諱之則醫者得以轉移其見強者劫以霸攻之劑弱者探以活套之方其生者幸而免耳噫惑也甚矣蘇長公曰醫之所謂明師者天下蓋一二數亦因其長而護其短耳吾有疾求療必盡告其所患使醫者了然知冷熱虛實已定於中然後求診則脉之疑似不能惑也故雖中醫治吾病常愈旨哉斯言可以爲忌醫者喻矣又嘗見病家有力者旁延羣醫醫來爭神其技發以盈庭之議而投之角執之方不將以身命輕與人試哉夫病由漸致脉因病遷醫非盧扁未可以神異效也岐伯對黃帝曰臨病人問其所便又曰必審問其所始病與今之所方病然後各切循其脉視其經絡浮沉以上下逆從治

之此非習於夙知深與乎與者不能也故曰求醫於平時默驗其工拙又曰病不服藥得中醫庶幾吾夫子慎疾之意云

三

王子性嗜書少從先大夫官部署京師多書稍稍購收之越二十年而王子守司馬部京市人故購書者間存因持以售復稍稍收之比仲氏宦吳中所見新編必旁覓寄示積之得數千卷林居多暇乃次其甲乙藏之齋中或謂王子曰

半山藏稿

卷十二

七

君於百物寡嗜矣而於書係戀若此無乃癖乎王子曰誠如所謂雖然願有聞焉司馬氏曰積書以遺以子孫子孫未必能讀予非不知之也見公卿貴人家蓄珍奇古玩不曰商周彝鼎則曰漢晉名蹟覓以不貲之直飾以無根之稱銜觀而誇賞畀之子孫旣以役其耳目而侈其心志久之或鬻於人或攘於有力者所以役耳目而侈心志者轉相無已也若書之爲用取精而載道無論六經諸史卽百家衆藝以至稗官小



說莫非生人之耳目心志所賴以推廣也故上  
焉者會理道融法象窮天地人而爲儒次焉者  
獵英華博今古將庶幾乎作者又其次循習章  
句講解名物亦不詭乎大義士人君子隨其遇  
之潛見與其資之高下無一人可以去書也卽  
其後不類而或以售易近而覽誦於鄉之人久  
而覽誦於鄉人之子孫視彼珍奇古玩之無益  
於世者相去爲何如哉噫此予之於書頗有嗜  
也抑予又聞之人曰書室者集福之地居之不  
半山藏稿卷十二  
八  
見其可欲可以養心便其所適可以養性不近  
內可以養神不接外人可以寡過心虛理明可  
以學文循序有常可以成業其日用工程又無  
一日可以去書也如曰必期取科名必習爲文  
辭而後事書則將目之爲嚆矢矣書豈可以嚆  
矢視哉

四

山人薄滋味而微輔以酒故飲雖齋於量日未  
嘗廢酒往讀書山中每燕息則挾諸同志旋憩

林壑集小酌或流觴澗中微醺爲節比入仕行  
役退公之暇率與寮友杯酌取歡歸而林栖家  
居山游常具壺榼爲觴咏由艾至耆飲之節如  
少壯也迨稀齡適患脾恙每飲數行輟廢食兒  
輩以爲言山人輟飲者久之間少飲食乃少廢  
飲輟輒復無恙仲氏及內人數舉以告山人旣  
然其言乃作而嘆曰夫人有所嗜則難於制有  
所習則難於返予於酒無嗜也以滋味之薄取  
而輔之以少習之故晚而病之彼世之溺焉而  
不返者獨酒爲然哉故登壘罔市操奇贏而析  
秋毫溺於賄也徵歌取豔恣靡曼以娛耳目溺  
於慾也墮體敗彛敖然而無所拘檢溺於宴安  
也炫功能取聲譽白日而逞于市朝溺於榮進  
也溺於賄爲構怨之戈矛溺於慾爲伐性之斧  
斤溺於宴安爲迷心之鴆毒溺於榮進爲陷身  
之機穽彼其初皆以一念之嗜爲之遂錮焉而  
不知返非其家人子弟長慮而却顧孰肯犯所  
忌諱而爲之言卽言之亦豈能必其聽哉故戒

於構怨則儉已以裕人戒於伐性則澄慮以窒  
慾戒於迷心則勤脩以勵業戒於陷身則養重  
以遠嫌庶幾明於自治而浩然於天地矣詩曰  
夙興夜寐無忝爾所生噫此可爲溺者訓也

五

世之言習於奢者其狀非一而大端有三曰宮  
室之華也衣服之美也飲食之豐腆也彼爲三  
言者將曰窮極土木以翔其門閥而宮室之華  
爲奢之尤要以生人之用與財用之流言之彼

半山藏稿

卷十二

十

縱於飲食侈於衣服者其蠱心而災身未可以  
槩語也夫廳事容旋馬官鼎鼐而無樓臺古風  
不可及矣而有力之家美其垣宇揆之容膝之  
論雖爲無當顧爲是者度資而舉量力而經營  
且將以傳之子孫雖甚其害曰三不得而已而  
非以禍身也若飲食衣服之侈大都出於不肖  
之子弟故口腹之奉日用有常需也而饜心於  
肥甘者窮恣意欲酒食徵會於陸海之珍珠方  
之品必致而羅之雖一餉萬錢而無所顧惜韋

布之素士人分所職也而儇薄之子鶩於藻繪  
紈綺繡縠之服日異月新甚而褻嫚之屬亦以  
美繒爲之如俳優之登場旦夕易其觀焉夫生  
人之福有限而飽暖之外八珍千襲無非長物  
庸人俗子何足以語此哉頃見舊家之後一二  
無良率以飲食衣服靡侈無節傾其世貲而僅  
以身免卒爲人所訾議此奢之禍莫甚於飲食  
衣服饗饗之戒蜉蝣之刺古訓蓋昭然已故家  
之爲父兄者於其子弟幼穉勿使口體慣習甘  
美而身所躬行又示以率先之教庶幾養其中  
才云爾否則子孫之敗度豈皆其性爲之耶

讀易家人卦

易家人曰上九有孚威如終吉象曰威如之吉  
反身之謂也或謂爻辭有孚象不爲之贊乃偏  
舉威如而贊其爲反身之謂傳義則於有孚威  
如而並釋之何也曰觀象辭遯事理孔子之獨  
贊威如者其義著矣夫家人合離與巽而成卦  
則合明與順以成德順固所以齊之也夫不巽

則無所取齊不明則莫知用與不孚信而或以形隙間焉其心貳矣故終之以有孚有孚者有相愛而無睽違乃家道之成積實盈成之際也積實盈成則人情安焉而懈弛易生所謂閑家之法言有物而行有恒者亦皆息而不修矣故周公於此爲威如之戒使人處盈成而知戒畏孔子又以威如非他乃反身之謂使人謹於閑家而不敢肆噫聖人之訓昭如也有家者能率而弗失則倫理正恩義篤修齊之教始於家而

半山藏稿

卷十一

十三

達於天下矣

讀道德經

世之議老氏者或曰宗尚無爲或曰間涉權術類以異端斥之噫斯其說皆皮相而影求者也吾謂老氏深於道讀其書綜其要旨以無爲體以有爲用以無爲而無不爲爲體用自然之妙蓋聖人之精蘊也故谷神玄牝之語養生者率附爲脩煉然以天地之根言之太極動而生陽靜而生陰陰陽之精互藏其宅以一而神謂之

谷神以兩而化謂之玄牝其在吾人也太極爲心心之生意爲谷神感而動爲玄牝生生不息融結爲聖人之仁此其言尤粹而非可以淺近窺也若夫作用處大端有三不過曰去甚去泰去奢而已夫甚也爲虐泰也爲亢奢也爲不孫噫世之患此久矣能反之而不爲蓋以玄言而臻上理也又奚病於無爲也哉

又

禮以忠信爲本忠信厚者老子謂之上禮伯夷

半山藏稿六卷十二

十三

叔齊有言曰昔者神農之王天下也時祀盡敬而不祈福焉其於人也忠信盡治而無求焉是三皇之世治人事神之禮皆純乎忠信而無外慕也老子仕周初爲柱下史又爲守藏史皆禮官也而處於其位歷簡靈景敬四王皆事君盡禮年七十餘而後去是又進退以禮嘗自言欲處其厚不居其薄處其實不處其華蓋確然忠信之守也至其子宗始以武略爲魏將而家傳禮學始微其非滅倫棄禮明矣故孔子適周從

而問禮若戴記諸語皆曰吾聞諸老聃是已其  
戒孔子曰君子盛德容貌若愚蓋欲其厚忠信  
也他如論軍旅亦欲以喪禮處之而哀怛之情  
溢於言表是其處君臣父子倫物之間何莫而  
非禮何禮而非忠信也蘇子瞻乃曰老聃莊周  
論父子君臣汎汎焉如萍浮於江湖而適相值  
也果何謂乎今老子之書學者茫然無所究心  
而蘇氏之說則日接于耳目且浸淫于文士筆  
墨間矣噫可慨哉

半山藏稿

卷十一

十四

尊德性道問學說

嘗讀中庸君子尊德性而道問學爲之說曰道  
由也言君子尊德性而由問學問學所以尊德  
性也非問學之外別有尊德性之功致盡極道  
溫知敦厚者問學之目也近讀吳氏疑道記曰  
德性一而學問之目八先得我心矣又曰尊德  
性一乎敬而道問學兼乎知與行盡之極之溫  
之知之問學以進吾所知也致之道之敦之崇  
之問學以修吾所行也是問學所以尊德性也

無疑矣問學不以尊德性則問學自問學德性自德性殆口耳而不身心者何用乎問學哉且朱子嘗譏俗儒記誦詞章矣今人學問不以尊德性將不爲詞章乎近代陽明先生曰理一而已矣故聖人無二教而學者無二學博文以約禮明善以誠身一也陽明講學何啻萬言惟博約增一以字最有得於孔門之真傳尤有救於朱門之末學也

儉說

半山藏稿

卷十一

十五

世之論儉者惟曰可以養財而宋景文論儉有四益曰不貪不淫可以養德受用省嗇可以養壽清節飲食可以養神無事妄求可以養氣其爲說粹矣夫養德養壽養神養氣皆所以養身也予則以儉之益切於人身而尤裨于天下之風化彼天下所以多事政教所以不行習俗所以頹靡者皆起於奢夫子所謂不孫者是已惟救之以儉則上無越禮下無踰制舉宮室械器以至衣服諸具雖不能盡復於古而戒其僭侈



去其太甚將日就於清寧之治老子所謂我無  
爲而民自化我好靜而民自正我無事而民自  
富我無欲而民自樸者庶幾得之所以養天下  
人心於和平者儉爲之也豈徒曰養財養身已  
哉齊丘子云有保一器畢生無壘者有挂一裘  
十年不敝者斯人也可以親百姓可以卽清靜  
之道噫是亦明於論儉者矣

### 忍說

昔有爲忍卦者於古所稱忍語及能忍之事詮  
半山藏稿卷十二  
敘備矣予每喜誦之顧忍之文爲刃爲心心火  
屬也火麗物而後有形心宰物而後有造利害  
之交撓焉使非持以定力吾恐觸于意氣激于  
盤錯而能忍者寡矣故文之以忍如釋氏所謂  
金剛云者蓋以斫破凡欲則其心堅定而不以  
輕發取戾此忍之爲義至剛而至柔其相成者  
以道也或言忍人所不能忍斯能爲人所不能  
爲要之識人所不能識斯能忍人所不能忍佛  
子云識得破忍得過忍不過識不破有味哉斯

言也

乞醯說

子曰孰謂微生高直或乞醯焉乞諸其鄰而與之論其事玩其辭夫子亦無所褒貶也而讀者祖朱子曲意徇人掠美市恩之語遂以微生高爲詭詐之流此其說亦固矣予以直之義不專於正直卽徑情直行亦爲直高之爲人意其徑直者也故夫子曰孰謂微生高直哉或乞醯焉乞諸其鄰而與之何其婉於用情也夫子之論高似亦止此如曰曲意徇人通其有無以應人求何徇耶曰掠美市恩醯爲恩幾何何市耶夫子與人以恕乞醯微節而顧病之不已甚耶記者詮叙聖言先以夷齊繼以微生高又繼以左丘明要皆與之也而豈獨訾一微生高耶

雜說

山之恃土石草木以崇其勢塊而視之欹邪破碎叢雜蕪穢不可勝指也其在百里外朝烟暮靄紫翠如滴橫如蛾眉矗比螺髻其不以遠爲

美乎江河之流溝渠泡沫潢潦汙濁以益其委  
勺而計之臭腐垢浣溢濫灌注不可勝道也其  
在千萬頃間涵天浴日上下同徹圓光藏珠方  
景疑碧其不以大爲潔乎嗚呼美以遠著潔以  
大致弗崇弗益則亦弗能至矣君子觀此置身  
之地弗遠大焉可乎

夫鯤之爲魚潛碧波泳滄浪沉鰓於渤海之中  
掉尾於風濤之下而濠魚井鮒自以爲可得而  
儕焉鵬之爲鳥刷羽毛恣飲啄戢羽於天地之  
間宛頸於江海之畔而雙鳧乘鴈自以爲可得  
而襲焉及冥化兩垂天搏風九萬振鱗橫海擊  
水三千豈僭翰於槍榆假力於在藻資江海洎  
流之水待土巷揚塵之風哉

豫章產大江之隈干霄拂雲株榦之圍巨蔽牛  
馬匠氏採之以備明堂大厦之需其視小卉衆  
木爭葩競秀者眇矣豐城神劍沉埋泥土而光  
匿上徹牛斗一旦出而拂試之淬礪之用以陸  
剗犀象水辟蛟螭與鉛刀效一割之試者殊矣

蓄材而含曜於人也亦然  
風之噫於大塊也必有所由起彼其起於青蘋  
之末離披眴渙獵蕙披椒以凌蘭臺之上而號  
爲清穆也王公采之以御六氣萬品以飶若乃  
塤然起於窮巷堀堞溲溲鬱邑毆温造熱則君  
子不近焉風非有異而清濁若是何也其所起  
然也世之言尚爲風必有所由起也君子慎所  
起則庶乎其範世矣

半山藏稿卷之十三

永嘉王叔果育德著

雜著下

東西二周考

春秋三傳及戰國策稱東周西周王城成周高誘注戰國策曰西周王城也今河南東周成周也故洛陽今之河南各爲一城故後之讀者難於分析胡傳考之不詳元吳草廬有東西二周辨按尚書洛誥云我卜澗水東灋水西惟洛食

半山藏稿卷十三

一

我又卜灋水東亦惟洛食孔安國注云澗水東灋水西王城也朝會之地也灋水東下都也處殷頑民之地王城在澗灋之間下都在灋水之外所謂下都卽成周也以此參之王城成周自是兩處明矣昭公二十二年秋劉子單子以王猛入于王城公羊傳曰王城者何西周也是年天王入于成周公羊傳曰成周者何東周也成周在王城之東故公羊以爲東周萇弘謂敬王爲東王王城在成周之西故公羊以爲西周萇

弘謂子朝爲西王茲說考證詳替足訂胡傳之訛矣近代邵文莊曰天王入于成周下都也旣入成周矣曷不遂入王城子朝之餘黨在焉故也噫文莊斯言亦核矣哉

### 恒山考

蔡氏註禹貢恒山在常山郡上曲陽縣今定州曲陽也常山今直隸真定府曲陽屬之我會典載祀北岳恒山之神蓋廟曲陽云然廟曲陽平地謂恒山飛來石在焉非恒山也恒山在今山

半山藏稿

卷十三

二

西大同府渾源州南二十里舜典十有一月北巡守至于北岳者此有蹟焉飛石窟是也蔡氏引北岳廟爲北岳山知有曲陽不知有渾源者蔡氏宋人也宋與遼以白溝河爲界所謂渾源者屬山後應州石晉賂遼遼有之矣非宋有也蔡氏不知也我明一統五岳氣完勢強實萬世無疆之休然而載祀北岳恒山之神猶曲陽云弘治六年馬端肅官大司馬嘗題釐正廟祀乞廟北岳之神于渾源恒山故址移曲陽之祀

祀焉豈非欲禮之備使天下復見五岳之盛耶  
當時典禮者乃尼焉不行而弘治末年所修會  
典猶仍曲陽則不知何說也

朝鮮高麗考

朝鮮商箕子之封國也漢興燕人滿王其地以  
淇水爲界傳三世右渠祠武帝元封二年殺右  
渠克朝鮮爲真番臨屯樂浪玄菟四郡唐興高  
句驪朱蒙高民王其地國號高麗傳若干年裔  
孫建武都平壤城卽樂浪北靺鞨西北度遼水

半山藏稿

卷十三

三

與營州接大對盧蓋蘇文弑之立其弟藏自爲  
莫支離專國莫支離者猶唐兵部尚書令也於  
是太宗自將討之濟遼水攻蓋牟城拔之爲蓋  
州攻遼東城拔之爲遼州城攻崖城拔之爲崖  
州無何班師終太宗之世不克至平壤至高宗  
龍朔三年李勣薛仁貴始圍平壤城拔之嘗考  
漢朝鮮界淇水淇水者至平壤城南涯也平壤  
在鴨綠江東南則漢朝鮮東南距海西北距江  
一洲島耳國小而弱故漢取之易唐高麗接營

州營州者舜分青州東北而州焉者也蓋臨榆關外遼東者皆高麗地也關在今永平府撫寧縣高麗兼遼東非漢朝鮮比國大而強故唐取之難遼東在今東界鴨綠南跨渤海西接山海而抵大寧北越遼水而近沙漠固臨榆關外要地也微此則無以限華夷矣此朝鮮高麗其地大小不同而遼東爲古冀方太宗之取蓋不可不取也

族譜小序

半山藏稿

卷十三

四

世系圖序曰譜不作則系不明序世以昭系一人而百千可以疏戚視乎

世紀敘曰序倫次教敦睦也書生書配書卒書嗣而人道始終備矣

恩紀敘曰錫命至榮也對揚考成世以彰國典徵家慶焉

文紀敘曰夫所謂世家者有三曰開先曰垂裕曰濟美非誤述曷闡焉而內則家之基也胡可遺耶



年表敘曰年表以考世也吾先世行事宋元時  
靡述 明興以來則班班可觀矣

行次名字表敘曰名諱不表則相襲吾宗姓十  
二傳矣既次而表之仍預有擬焉以俟來許庶  
繩繩秩秩可稽也

宅里志敘曰族大斯蕃蕃而渙勢也吾族居布  
徙里賦更析亦渙矣著其蹟以萃渙豈華腴夸  
哉

祠墓志敘曰古營室先祠中古而封墓示孝思  
也不籍而表之何以貽世守

半山藏稿

卷十三

五

公田志敘曰世田祿者脩祀事古之制也今之  
制非古矣士族有祭田義田其古之遺意乎

圖籍志敘曰論家世者以文獻詩書之澤濬自  
祖先而似續衍之文不在茲乎

### 題思邊將略

留守南坡游君以京衛名胄奮迹武科嘗提兵  
雲朔間於關塞之險隘虜情之狡獪戰守之機  
宜靡不究悉也著論若干篇畧曰思邊集略綜

往訓覈時事其言經武之道詳且替矣古之善謀國者若鼂錯之言備邊趙充國之圖方略諸及孫武子李衛公之所著述後世非不知誦習然而有效有不效者神而明之存乎人焉耳蓋將之於兵善談者未必能用能用者必心悉而躬試焉譬之醫師之藥人雖嘗討論方書若夫君臣佐使之宜內外虛實之辨則必以按習而得也游君是錄率鑿鑿有倫而得於歷試者居多非徒張口談者今邊鄙震聳當宁拊髀思

半山藏稿

卷十三

六

良有才如君豈容置散地耶予往爲職方雅知君頃同事郢中益窺所蘊負蓋武而嫻于文者也旦夕登壇推轂而是編殆其先資云

書小塘承考卷

予偕對峰張子卒業南雍寓鷄鳴山房數相朝夕有臭味焉詢其世知裔出古城蓋饒之著族也張子間出小塘承考卷以示且曰斯卷之作紀往而詔來吾世家弋溪之上有塘而洲居其中宜於祠吾先世有志焉而未遂也邇乃得於

里之人而祠建焉祠成復輯宗譜定祀禮撮其略爲卷願子爲吾志之予撫卷而歎曰張子其知易哉夫闡揚先烈得蠱之承作祠統宗得萃之極酌義起禮得節之通訂譜傳信得同人之辨故曰知易張子又曰何以勗我子曰易之義則旣備矣請得而繹之夫蠱以意承稱有子矣而又厲之爲戒先甲後甲聖人所以同於天行也萃渙並言假廟要之聚人之道先於本原故觀其所聚而物情可見矣中正以通節道斯亨

節文孝弟禮之實於是乎在類族辨物厥由分殊以通天下之志斯大同也苟于宗而吝焉其何以廣吾萬物一體之意噫斯易之所以爲訓也神而明之繹而行之是在吾子張子聞予言有感于同聲之義遂屬以書于卷

彭江臯遺稿跋

江臯彭先生歿且三紀乃嗣茂才君珎輯其所遺詩文間出以示予讀之憮然曰先生蚤歲以文學擅場而所撰著乃僅僅止此豈散逸邪抑

志在經濟不欲以藝名耶載稽先生明經起家授倅永平甫數月卽引疾乞歸如太阿出匣未試剗割善鞘而藏之其於經濟又何適邪予侍先生也晚嘗仰風猷參士論知其爲金玉君子也盖先生內宣朗而外檢飭惟恐一置其身於玷闕故見幾勇退不俟終日其深衷殆未易測者然則經綸文采雖不盡著而本實旣茂卽枝葉又何算焉夫閱錦尺幅知爲美繒嘗鼎一臠識爲玆味先生篇什不多遺而藻思槩見矧雅馴有矩矱與其行符美而傳可必也茂才君能世其家論者謂先生有子則志業所未竟維其肇之庶其述之矣

三檜堂卷跋

我王氏三傳爲樂善翁翁子樵雲公性至孝嘗購三檜爲翁壽因以名堂少保黃文簡公訪樵雲公之子自足公爲詩倡咏諸搢紳各有作容直劉君敘述詳矣時衰次成卷歲久遺失頃族子進士繼明得之黃田林氏家屬族子玄袞藏

焉果展讀終卷先哲翰藝斐然擅工爲之歛容而吾列祖雅尚文行取重名流亦所謂美而彰也讀已令兒輩錄之藏於家塾二百年故物其尚寶愛于弗替云

書槐陰集後

先四世祖樵雲翁著詩三百餘篇樂府二十六闕蔚然成家先正章恭毅公校而序之族祖夢竹公刻置家塾歲久散亾過半比族子如珪出示家所藏舊本果喜不自勝隨命兒輩校錄重

半山藏稿

卷十三

九

刻以示子姓夫翁當草昧之餘幹蠱貽燕日不暇給顧寄興林泉研精翰墨卽其感遇紀述不惟想見襟度曠夷志識軒卓而生平履歷因可槩徵後之人誦其詩論其世仁孝之心不油然而生哉槐陰名集翁託意微遠樹德發祥開先有自斌斌藝文又其緒餘焉爾矣

書盧氏族譜後

盧氏先世多顯人侍郎秘監而下可稽也秘監之子英惠侯璿奮義協忠守城禦寇卒膺封爵

列祀典偉哉烈矣其後若雲山密菴父子或乘時奮庸或隱居脩學皆可謂善繼述能紀綱者也兵燹之餘室廬蕩空門祚衰歇自其先迄今殆四百餘載而其子姓不絕者如綫傷哉夫消息盈虛天且不違况人乎興亡治亂國且不免况家乎樂卻之貴房杜之賢猶不能保其後嗣况其下者乎吾溫在宋時多賢達其後無徵鮮有聞盧氏所可徵者茲譜之存也子有事宋畧山中主盧氏家其嗣孫永陽出舊譜以示子弟

半山藏稿

卷十三

十一

賜德甫爲續其世系仍漫書數語以志感慨且俾盧氏子孫世守焉

### 公會約

夫會以成禮禮以合情數則煩煩則有怠心疏則嗇嗇則非厚道要之情禮未協也往同署諸君子宴集率於近冬迭舉事涉煩瑣衆稱未便今擬每歲四會四司按季而行先期二日遣吏奉簿註知當日不再速散堂後卽齊赴期盡竟日之歡有他務則豫告不至者議罰不用劇戲

但取歌童三四輩侑觴而投壺令盤碁局之屬  
悉陳備用四時之會武選於上元車駕於端午  
職方於中秋武庫於冬至司廳擬入車駕會諸  
君子謂是舉也有六善焉遇時必會情可洽矣  
同日釀辦費有經矣不速而集主則逸矣屏去  
雜劇侑觴有具燕無譁矣百日之澤乘間而舉  
政不妨矣請書載簿氏號具存聚散有稽矣然  
不可無述乃屬予言此以引其端云

### 會約

半山藏稿

卷十三

十一

西華山人曰宋司馬溫公有言先公爲群牧判  
官時客至未嘗不置酒會數而禮勤物薄而情  
厚後來遂極豐腆而風俗遂以頽弊然則世變  
日趨於奢靡殆自古已然矣今與諸親友約各  
依後擬行之有或謂簡褻者未免拘於俗見可  
弗恤也有仍用豐腆者是不能以古道相與可  
弗享也惜福而養財約已以脩德茲舉也有裨  
於世風願與諸君子共圖成之

### 祭七約

喪家祭七乃吾鄉相沿舊習然祭用羊豕余心竊以爲非宜昔梁武帝於宗廟以麩爲犧牲雖非正禮亦是仁心諸葛孔明祭瀘水以麥粉爲人頭用變夷風實爲仁術禮天子無故不殺牛大夫無故不殺羊豕卽用之祭祀亦止取其首與四蹄載之于俎未有舉全體而加席上者今大家喪祭殺牲口累十餘暴於庭中有乖仁禮且不雅觀况有事祭七者不過姻親族屬但備一席加設果肴餅餌十數品足矣何以牲爲予

嘗以是言於家蓋爲已他日地也不意乃有冢婦之變今擬行之諸大族如倣效焉亦修禮整俗之一端也



半山藏稿卷之十四

永嘉王叔果育德著

書牘

奉羅念菴先生

果海隅鄙生忝辱世講之末雖未緣瞻侍誨幄側聞高風懿範神馳而心慕者有年矣頃覽遺家兄書仰見情誼勤懇捧誦竦動友道之隆何幸於公見耶公在天下如威鳳祥麟無貴賤智愚莫不知其爲瑞凡引領門下者咸冀一出以

半山藏稿

卷十四

一  
王三六四

慰蒼生果之意顧獨異焉嘗聞古之稱鳳麟者曰翔於千仞曰不畜於家故二靈幸出而應文明亦惟聽其游于藪澤足矣固不必引置朝堂乘以圈檻而後爲國家瑞使鳳麟不愛其靈而輕其棲止其不爲鴟梟所嚇狐狸所侮者鮮矣狂生管窺僭以是論大賢出處何如當今士習靡敝已極賴公一鎮中流庶幾海內嚮風有所興起其有裨於名教甚大若廟堂數公素以道德經濟自命者遇巷守轍雖稍稍補塞其功業

所就視公竟何如果蒙昧無聞知昔在南雍嘗  
稟教於南野松谿二先生過承啓誘企想景光  
顧未能獲窺實際何敢妄議飾辭以瀆尊聽然  
一念向善慕賢之私頗出於誠惟公俯鑒而督  
教之庶俾頑懦有所警策而竊附於私淑之列  
何幸何幸潔誠展候無任瞻跂

奉宮詹程松谿公

我師暫孫碩膚端歸梓里所謂教成而道益尊  
身退而名益盛此天下百世所瞻仰矧門下士

半山藏稿

卷十四

二

三〇三

素切依慕者情何如耶賤兄弟辱教至深蒙恩  
至厚撫臆論報莫知所圖自先人捐世門祚侵  
頽志意荒落重以道路多警朝野未清故釋服  
踰年尚依戀丘壠未敢卽出亦自分迂拙不堪  
世用甘於山栖野處以畢前脩永懷不負乃所  
以終教誨也頃聞頓駕有日卽欲躬叩門牆顧  
牽冗病未遂鄙私謹顙人上候敬致區區

奉方伯胡慎齋公

果庸劣下乘伏在槽櫪有年矣辱公道眼照臨

俯加鞭策欲引而納之周行顧偃蹇泥塗方起  
輒躓然十駕之功終不敢舍所期奉答知遇以  
無負門墻者蚤夜勗之而已往家叔諍自楚歸  
道公眷矚之勤貺及家君并齒賤子千里拜辱  
感激彌深輒擬馳一疏以謝海隅寡便竟爾蹉  
跎踈迂積誓其何以自解去冬北上登堂祇謁  
儼然若公臨之初冀公入覲尚得參侍都門比  
乃聞東粵之命且下我公駿業鴻名日新時  
盛行且躋要獵華以方軌茅社世道攸賴匪祇  
感殊遇望淮陰躊躇不能舍去古人思其人猶  
愛其樹况大賢梓里門下士獨能無情乎敬勒  
尺牘以附閣人款款不盡之懷伏惟鑒亮

奉大司馬張東沙公

往聞翁持制南歸果通家子也諛當東芻門下  
方以先人丘壟之役皇皇奔走竟爾曠違多罪  
多罪卽春釋服當待除北上初擬取道四明負  
荆操几敢以區區未伸情事就長者而圖惟焉

顧內牽冗病外虞寇警未能出門又恐遲延歲月後貽罪戾益無以自解仰惟我翁德茂儒宗功追作者海內跂寵光而沾教澤莫不喁喁引領矧先人忝竊年家曾辱交於左右者乎果不肖無能貽令於親所冀發潛表微以托附於不朽實惟明德大賢是賴而因緣世誼想慕名言可以徼惠者莫踰我翁故輒忘其鄙陋顛哀布狀而屬家兄臣代馳以請伏惟我翁篤念夙雅俯鑒願誠載筆而寵貺之豈惟賤父子幽明感戢而鶴山先叔有知亦必以果董請銘得人而私幸於冥冥也冒干鈞嚴不勝惶悚

答少叅莊石山公

李平陽至拜領翰教情辭懇惻而瑤章腆幣貺及先人展對感泣海內篤舊如我翁者可多見耶伏審林泉燕適恬素日深二郎世兄趾美競爽翁懷奇韞碩而未究厥施剩福餘芳其在後之人無疑也果昨春勉襄先人大事釋服已數月例當待除北上顧吳會間寇警戒嚴亦自揣

踈迂罔諧世用方與弟姪輩結跡山棲稍理舊業出處事意且姑置不識高明何以教之賤父子辱翁恩厚不啻骨肉俯仰今昔惟當銘畫中心傳頌奕世期無負於終始徒託楮筆間以寫區區則不知所云也

### 與申潞石考功

奉別踰時有懷耿耿蓋吾丈道義骨肉之愛非恒情可擬豈惟銘刻肝腑日與兒輩誦之弟息肩未幾而楚人催發者踵至緬思宦途跋涉竊半山藏稿卷十四五三百一王有倦意畏心而家族諸務又若不能釋者用是決爲丘園計專人引疏乞休迂僻之見友輩或以爲訝在知已當亮之也疏下具覆正屬貴司實天假良會願蚤賜曲成乃見生平之雅方今友道日喪接膝膠漆退而秦越者多矣吾丈操履旣貞而信道彌篤知我愛我當不以世情相視弟微尚內斷已久數千里懇于陳乞蓋非姑爲嘗試者倘所請未遂再致往返耽誤出處依違非山公所以處嵇生也特申頌託餘情翫縷

未遑宣布

奉楊虞翁

送李梅臺差吏回承台翰賜答并示集邊計疏  
仰見壯猷勝筭足褫奪虜魄發舒華氣有世道  
之責者莫不倚爲泰山允矣邦家之福也果謙  
才多病夙懷引遜昨藉庇叨轉東粵行間舊疾  
復作趨赴不前專人再疏乞休當位處祈借鼎  
言俾蚤遂題覆爲幸果新職司海防然駐劄惠  
城若潮惠間多事有兵備分任其責此舉益非  
半山藏稿卷十四

六

頁三

王

避難亦非矯情惟是病體不任驅策倘當位見  
疑伏希曲爲覆庇犬馬餘生不敢忘恩厚也

與鄭鄒山駕部

舍弟春初歸備誦德愛載領教言感戢無已時  
弟方就道嗣乃奔走應酬日見役役稽於信候  
念之悵然比聞晉掌駕部此不足爲門下稱詡  
然累資養望以握樞筦由此其階竊爲吾道私  
慶勘合馬票往來郵傳者弊孔日多兄本司總  
理知必有以計之也郢郡衝疲已甚且地方事

體率有可憤歎者迂拙人處之恐不免於罪戾  
兄居中必聞其狀且素知我恤我幸明教之蓬  
生麻中不扶自直茲離羣而處將有蓬心非吾  
黨之恥與茲留守游君入賀行附啓私布昔之  
論交者謂萬里猶比鄰惟居者不忘遠則行者  
無違顏矣

與張虛江掌科

敝邑程令君持來翰貺不佞於郢中拜領矣謝  
謝近接邸報知執事榮補諫垣龍峰同省而雲

半山藏稿

卷十四

七

Wang

七

澤又入臺中深於吾道有光所謂喜而不寐也  
給諫稱要秩蓋耳目 當宁而綱紀百司者嘗  
見諸公凡初入垣必論列以示風采顧事體有  
緩急更張有次第言者當筴其大者要者執事  
今爲戶科中朝事不佞不敢知若東西之財賦  
與京儲邊餉試先借箸一籌亦救焚止渴計也  
不佞叨轉嶺臬行間賤疾陡作專人走䟽乞休  
仰冀周旋蚤遂題覆俾鹿麋野性安於山澤爲  
幸當何如數千里遣役所倚托者惟貴同門諸

公而於執事尤屬厚望伏惟鑒念

啓座右閔水翁

去冬游留闡入賀附候台履仰蒙賜教深慰下  
私伏惟我師懋膺 聖眷宅秉國成中外元氣  
賴以調護竊爲世道稱福顧緬懷門墻冠紳趨  
伺者駢集而庚戌同房士乃無一人在列可爲  
慨嘆我師吐握之際俯視今昔當亦憮然也果  
處郢將越歲菲才適當衝疲注措莫知所適然  
銳意澡飭勉圖策樹期無負於門下此心之耿  
耿何敢忘耶

與高鹿坡同年

荆西別來舟居悵念無已想兄亦同此情昨楊  
虛所去附書先容未知得會否志稿建置論請  
易數語者蓋因近日工費無當弟與杞山前所  
籌處恐好事者指摘以示其他篇間有切中時  
弊者微辭隱義無妨也本道帶管郢府工例有  
廩給紙劄銀約一百五十餘兩弟向擬不領今  
行府留備修志用昨詢京山縣脩志共費三百



餘金刻板坐四十八兩餘皆供給紙劄諸費又  
查前脩興都志費至一千七百餘金聘禮每人  
餽銀七八十兩今兄如此省約弟復處定前費  
則分毫不擾有司而成一方大典可謂一快興  
都志舊稿待新志成并緘送鄭杞山處轉寄永  
嘉山中豐樂驛重建拜旁所作漢臯別館共費  
三百五十餘金皆弟自處罰鍰益以本道支剩  
廩給有司絕無與也又豐樂河新開口向有木  
橋水衝去衆請作石橋約費三四百金弟命僧  
半山藏稿卷十四  
九  
募緣曾捐俸三十金爲倡瀕行屬太監司房王  
相董其工不日可成衆擬立石爲紀志並一載  
何如卽日發夏口漫布區區相去日遠臨風不  
任悵惘

與陳蘇山同年

省中叅侍累年荆西又獲良晤闕失引掖所籍  
於有道者多矣同榜兄弟之好加於恒分沔州  
別來感舊懷私寤寐常不能置弟自分踈迂甘  
心引遜日者貴藩之行已非夙期茲幸謝吏事

益切尊鱸之思旦夕指海東擬走疏乞休以畢  
餘生而踐脩世誼俾無曠聲跡則深冀于高門  
後賢而賤子孫或亦當勗之也役回附申後會  
靡致悵望不任依依

與李五華同年

弟承乏荆西踈庸無補日懷憂愧惟是郢中多  
才賢君子不佞乃獲投好而夙知如吾丈則過  
加誨掖愛誼勤篤念之何能忘瀕行辱高情因  
以出處就計比跋涉苦倦而丘樊之思益用勃  
然旦夕圖疏乞歸休卽當路之諒與否未可必  
而微尚則已決矣浙爲文舊鎮顯陟伊邇得載  
假節鉞弟當以初服闖謁瞻晤知有期也行次  
布候臨風不勝依戀

與祝華封少叅

昨諸役遣迎具啓上候想蒙照悉荆西所轄承  
德二府一有 陵寢一有 親藩應酬多紛事  
體牽制人皆難之然所甚難者在郡邑若監司  
則惟在執持於上而調停其間以不佞迂戇尚

能勉力支吾以僥倖脫去如公鴻才碩望處之恢恢乎有餘地矣而鄙人猶不忘於煩言者則狂夫之見竊附於楚令尹云爾興都志舊有稿實爲未成之書近日館閣纂修擬爲十二紀

聖制於地方事不復及則府志固缺也不佞因取舊志稿屬京山高鹿坡刪潤作承天府志鹿坡以長史宅憂於私家獨纂凡事省約不佞猶恐去後弗竟所事其謄寫刻板刷印諸費已預處下銀一百五十餘兩不必派取各州縣足用

半山藏稿

卷十四

十一

三百七

王

矣願公留意成之若有司官日不暇給難以責望也鹿坡行誼甚高文學亦邃貴鄉李北山交厚皆詩社中人在刑曹以忤權貴故徙前職道中所用鋪陳什物不佞行時照原數逐一點過付門子孫輝孫大節及工房吏收在往守道新任屬縣例派供應物件約銀百餘兩今用前物量加修飾或可免再辦也鍾祥縣原開印信守本并留查照

與程景山邑侯

竊謂郡邑有志所以紀一方典秩匪是則無稽  
焉近偶閱新舊府志在今日似當更輯而不可  
緩者舊志成於王文定公其間纂錄已不免遺  
議及張文忠公作新志則取王公舊錄而大削  
之又多闕略往太府宋節菴公屬王拱甫集諸  
生續修前志其稿亦多徇情猥雜仍踵宿弊故  
竟置弗用鄙意謂瑞安已有專志宋公續修郡  
志時行樂清撰次彼縣故實其豪家爭論大闕  
樂清殆未有易處者今擬惟作永嘉縣志然非  
明公主裁於上何敢擅舉修志情弊不佞頗悉  
其一群諸生開館浪費供饋耽延時日而鮮實  
功其諸大家各以已私干請而難於拒卻不佞  
在郢中修承天府志私屬之敝同年高鹿坡不  
使衆知鹿坡但用一二子姪抄謄草創供費甚  
約且免于聒不踰時而稿遂具通計紙劄謄刻  
諸費約一百五十餘金分毫皆出自敝道處給  
不擾有司昔年奉

旨修興都志費數千金承天屬邑京山近修志

則費數百此在任事者何如耳若今縣志視承  
天不啻減半惟明公肯留意焉不佞當約拱甫  
勉卒前業具稿就正雖不能成一家言或亦可  
免前弊而稱實錄也謹啓請命伏惟裁亮

答吳繹泉憲副

漢川一別幾易寒暑矣弟年來屏居野外期息  
交絕游而於海內故人則又竊勤寤寐矧知已  
篤愛如吾丈者乎省中交權荆西同事區區缺  
失所仰籍於有道者真於古人求之頃聞持憲

半山藏稿

卷十四

十三

三百九十三

王

浙臺私切慶幸比接敝邑王尹又知旌纛震臨  
有日方戒走家力緘尺書以候而高誼不遺乃  
先辱貺問殷勤誨語如奉面談契闊之私用以  
自慰而踈懶之狀則惟門下能亮也弟樗散之  
材畢志丘壑引領吳山西湖有東道主如門下  
在俟春明發興擬裹糧從游握手道舊故及時  
事庶不負夙期爾清風戒涼伏想政暇燕喜之  
慶使者報命敬修以謝不敏

與同年劉羽泉侍郎

吾丈請告以來弟闕於脩問然休戚關情每因  
咨詢有聞則以悵以慰常對妻孥發之恨不能  
奮飛一傾敘也頃接翰教宛如面談仕路夙稱  
畏途有道者明於進退吾丈功成名尊而孫膚  
養素所謂愛以身爲天下者可以託天下靜攝  
中當得此上乘矣弟樗散多病畢志丘園日謬  
承推轂挂名朝章雖不敢效嵇生自絕於山公  
竊期保終微尚以無貽誚於梅潭之靈則所以  
報知已也

半山藏稿

卷十四

十四

三

王

答中丞洪芳洲公

往歲都門獲侍誨幄深慰平生願見之私別來  
曠候方媿踈近舍弟差歸顧厖長者存記遠  
貺德音副以華帙錫踰百朋感忤交集矣惟公  
望峻道尊善類傾跂比聞開府東省運際休明  
振鄒魯之風聲樹姬孔之猷業固海內所共引  
領匪獨鄙人區區之私也不佞自分踈迂甘心  
肥遯然不敢自惰棄冀少展效於族黨而譎劣  
無庸離索寡助幸高明有以教之茲黃貳運便

附致候私并謝來辱引望泰岱不任馳仰

奉薛方山先生

公往歲督學泐中果嘗幸覲光儀嗣以賤跡參  
商川途修阻無緣操几杖以聆教誨徒企瞻山  
斗結念緇衣爾矣公負命世之才而未究厥施  
解其纓絡錫之壽康俾高蹈丘園專精著述闡  
翼彝訓殆天有意於斯文乎乃今鴻業偉製昭  
垂寰宇海內人士得徼惠片辭卽珎同拱壁寵  
踰華袞果私心夙勤歆慕惟是先人日建宗祠  
半山藏稿卷十四  
十五  
嘗思得名賢敘記以詔示後昆引領記室而未  
及聞名不敢冒昧遽瀆敬托舍姪玄端走請倘  
蒙不鄙俯賜俞諾秋間小兒偕計北上當遣候  
祇領果自分踈迂甘心永遜匏繫海曲叅侍無  
階臨風第切馳嚮附上家刻二種內載建祠始  
末并家世事伏需鑒采

謝薛方山先生

果前以宗祠記上請卽蒙有道惠然頒錫仍彙  
刻大集中得以附託不朽豈勝感幸我翁著述

日富名德彌隆士林宗仰比覽考亭淵源錄序  
闡揚正學剖析微言俾海內學士紛如角議者  
有所折衷誠千古一快果竊有志於學而顛蒙  
孤陋無緣捧席握衣仰承訓迪徒切傾企嘗寓  
書舍弟令於大賢門下特致尊禮以申嚮慕之  
誠然聞其苦於吏事紛劇恐卒卒未得聞如所  
囑耳肅啓謝教并布候私

荅撫臺谷近滄公

日在楚中叅侍教幄徽謨道味身師而心醉者

半山藏稿

卷十四

十六

三頁五

五

難以恒喻別來聲跡曠踈比聞節鉞鎮臨浙海  
東南士庶莫不喁喁傾嚮鄙人匏繫荒仄未緣  
瞻挹乃辱翰貺遠頒仰仞高情不遺譎劣感激  
何可言旣果偃息丘樊混跡樵牧私所願望者  
惟文武先聲宣布海外俾樗散餘生安於桑梓  
爲幸多矣便次肅啓申謝附有所陳浙中海防  
方殷兵餉告棘公銳意撙節以紓民困恩至渥  
也嘗閒居妄臆有不待加賦於田而可以給餉  
者如本縣馬價銀民壯銀塗田租銀三項是矣



其事覩縷未易遽悉亦以此議卽撫臺肯賜張  
主須自有司條請非鄙人所宜預者甌郡新守  
來謁幸試屬之近見車叅將有海上屯田策亦  
爲兵餉長計車與胡震把總嘗竊議之雖若迂  
闊然楚門軍田于玉環山者已事似可徵也車  
慷慨足任胡經略可取或令二人集議取自尊  
裁何如不揣僭言仰恃尊亮新篡邑志附獻記  
司間有管見贅言并祈鑒而教之

與撫臺同年張岨峽公

半山藏稿

卷十四

十七

三十一

仁王

往省中相結甚驩非直手足戚也一別逾二紀  
竟爾踈闊然於門下之勛庸茂樹簡命洊膺未  
嘗不神注心豔爲同榜私慶比浙中兩變可謂  
大鑿借鎮袞鉞賤兄弟蓋預籌得之碩望鴻猷  
朝野倚重東南保釐之績湖山游豫之雅行當  
並收之尊俎間不佞跼伏海野未緣參覲旦夕  
行部浙東庶幾一握相慰勞耳肅啓申候附效  
芹獻若循例修賀則不敢瀆也

與鄭鄒山方伯

都門奉違倏且三紀契闊情悰無從敘說緬懷  
夙誼惟是心銘家誦間閱仕籍知兄丈宦轍所  
至聊用慰幸顧一時同游諸公升沉利鈍迥爾  
不齊則又不能無太息於門下也弟於甲子春  
自楚藩叨轉卽引疾乞休匏繫海曲竊冀兄丈  
開府兩浙行部東甌庶幾一握相勞又思賢郎  
學士偕計春官小兒或徼一第追躡光塵踐脩  
世誼然竟落落莫遂悵如之何是歲入夏涉秋  
抱痾溝愍遯處林野情緒荒索尤有難於縷悉

半山藏稿

卷十四

十八

三百十四

五

答莊梅谷太史

者適姻人某從事幕下於其告行私心益戚戚  
焉倚榻占候遙瞻不勝依戀

不佞煢然倚廬承高明遠垂弔唁教言勤懇過  
於抑謙世講中篤誼如門下者耳目所希感激  
莫喻當今人文日盛作者如林而大家若遵巖  
公益獨操旗鼓而先登者門下生於其鄉茂承  
家學方翩然於著作之庭緬視前哲能無齊驅  
軼駕念乎不佞畢志丘樊了無他想惟於海內

舊故往來于懷乃若蒙恩受教如石山翁則日夕不敢忘者私藏莫報尚圖徼惠名言紀其始末庶以示後人而敦世好也

答大司寇舒繼峰公

生往於邱報見翁省中諸䟽練達明愷知公爲振世之英比舍弟沃領教益兒姪沾沐德潤又知公爲有道之士方切景仰未申悃忱顧厯翰覲先施高誼純誠溢於展對不知海隅鄙人何以得此於大賢也慚悚慚悚生自分譴薄不敢多取踈迂靡効故甘心隱約公乃獎借過情豈以賢勞方殷顧有羨於拙逸耶然柱石邦家康濟寰宇固大賢分內事非坐守窻奧者所敢仰覲昔人謂已有臯夔安社稷不妨巢許卧江臯敢爲門下誦之

再答舒繼峰公

夙仰高美末由瞻覲嘗欲脩起居資教益竟以踈懶曠廢罪媿無地頃於舍弟處兩奉翰札猥辱記存通家懇悃披示藹然相對感嘆無已翁

望隆鴻鉅而志在引恬老氏所謂貴以身爲天下者可以寄天下廟堂簡注之意其在茲乎竊願委心勉留以鎮軌顏競毗贊國成斯道幸甚不佞年來抱痾衰朽日甚常屏處野外一意韜匿日惟悔吝之虞若舍弟則甘於丘壑而勤於土木故猶不免於動來教謂借靜閒以澄習心體實對症之劑所宜服膺者切偲之誼何幸得於門下焉

與王雲澤總漕

半山藏稿

卷十四

二十一

二百九十八

自度臺使旋倉卒報書竟闕嗣音以安於踈懶不敢通朝貴也宦海狂瀾而公屹立砥柱僕嘗偉之歎之以爲有道作用自爾卓越頃聞開府總漕益見簡注有在公論乎章矧淮南爲公司理舊疆遺愛不泯士民徯後之思其交懽慶慰可知也僕老矣年來屏跡海野謝息交游日惟侶漁樵課耕讀更無猷念顧於霄漢故人有厚望者庶幾收薦賢之效以補報明時萬一耳便次敬脩起居有懷不盡

與汪南明司馬

不佞昔廁寮末以行跡參商稟教日淺瞻侍之  
想迄今歉然奉違以來門下聲望郅隆文武爲  
憲不佞方遜伏海野不敢通於左右近會方上  
僧辱門下齒及仰荷記存二十年嚮往之懷則  
翩然於齊雲白岳顧不能撰杖屨以從爲憾耳  
方今士習澆漓波流未挽門下起而新之力追  
大雅著作傳播俾童逢知所誦法此公之翊振  
斯文視古之起衰濟弱崇雅黜浮者功相望矣

半山藏稿卷十四

二十一  
三百

五

不佞衰鈍無似林居多暇每展讀大集心神暢  
怡而豚兒輩不勝欽慕期丐言於門下竊緣世  
誼輒妄意以干記司謹遣家力展布上候

答何心泉少宰

昨歲豚兒蘊計偕登謁龍門過蒙眷矚齒及衰  
朽不佞拜荷勤情感激無地比聞宅揆陪京方  
期修候於長者踈懶未逮乃辱翰教下錫副以  
腆儀愛厚疊疊愧非譎薄所宜蒙也伏惟先太  
保公明德美功覆庇甌土聲澤昭垂行與天壤

不朽不佞誤次遺聞竊幸附名其間得效邦人之私門下顧乃謝及仰見大賢篤念甌人視太保公猶一日也方今明良際盛我公清英宿德善類依歸而簡命日隆旦夕晉司密勿纘戎先烈不佞老矣無由沾溉休澤因緣宿誼踐世講以丐餘恩則他有所冀耳

半山藏稿卷十四

三十一

厚

工

半山藏稿卷之十四

半山藏稿卷之十五

永嘉王叔果育德著

傳

吏部尚書何公傳

太宰何公者江右廣昌人也名文淵字巨川別號東園先世諱坦者仕宋爲寶謨閣學士廣東提刑階宣奉大夫謚文定坦生聖能紹興太守聖能生行武平知縣行再傳而有桂芳生德源公之祖也德源生景雲公父也俱贈正議大夫

半山藏稿卷十五

一

資治尹吏部左侍郎母吳氏封淑人公生挺異七歲入社學讀書過目不忘羣兒有竊瓜果以啖之者公卻之曰若方童柰何習爲盜也識者已覘其不凡永樂初補邑庠生時父兄繼喪公日以幹蠱爲事夜則攻苦誦讀博通羣籍文譽日起戊戌登李琪榜進士越二年拜湖廣道監察御史立朝正色即以天下爲己任已而奉命按山東山東豪右多齟齬其民且軍衛搶攘公相機檢戢而摘發奸伏若神吏民尤畏讐焉

仁宗皇帝卽位命考四川吏治公察其殿最而黜陟之劾工部侍郎楊和黜叅議金文斌副使張銘僉事張明等三百餘人貪暴聞風者逞逞棄印綬去時蜀旱所臨郡邑輒雨人謂御史雨云烏蒙土官知府祿昭妻與耆民什伽通昭嘆之欲殺什伽什伽潛赴京告昭謀反詔四川雲南貴州建昌行都司以所部兵討之昭訟冤公廉其情移檄止所調兵具以事聞竟直其冤由建昌行都司經播州楊宣慰以銀器文綺迎謁

半山藏稿

卷十五

二

公笑而卻之宣慰出語人曰咄咄何公不可動以利宣德改元正月奉勅清理山西戎伍則

於其冤濫者直之欺隱者摘之無幸濫者十一月詔選有風力臺臣糾察南京弊政公獲命因奏小民誤觸刑憲初犯者宐令納贖郡縣老人當選耆德俾勸民爲善毋任匪人以虐民害政請通行禁約上皆從之庚戌五月上以蘇

松等郡稱難治

詔舉賢能者任之都御史顧

佐薦公等九人公出知温州至則延禮郡中耆



宿以咨民瘼於地方利病政務得失銳意興革  
之舊額率田十畝以三畝爲陸田輸麥稅民苦  
麥稅之重造版籍時莫肯收陸田者訟聚弗決  
公䟽請均陸田之稅與水田等民賴其利郡屬  
四縣稅課司河泊所商稅舊輸鈔厥後民苦  
銀公以稅銀例禁請復輸鈔上從之溫衛  
鄉盤石軍士素獷悍以不統于有司廣置產  
善逋賦陵上侵民公束之挫之始知有國法焉  
每歲中使至取上用海味果實供饋煩苛不  
半山藏稿卷十五

勝其擾公調膺有方民不病而事集濬石岡陡  
門築瞿溪壩灌田數千頃所在立石頌功德振  
舉學校脩明條制祠先賢舉逸民興禮讓時嫁  
娶重喪祭峙儲積別善惡由是教化旁洽盜寇  
屏息訟簡刑清境內翕然稱治隣邦之民有不  
平者亦赴愬焉青田葉孟圭徐成兩大家故有  
怨成長糧負賦縣遣孟圭督之孟圭乃率五百  
人掠其財而壞其居成訴三司調軍追捕之公  
聞之曰青田崑邑民易聚爲盜今以五百衆據

巢穴將釀亂無已乃遣人召孟圭諭以禍福命  
還所掠財完其居孟圭囚首謝罪曰昨聞調軍  
追捕自謂旦暮鬼耳今幸示可生之路敢不唯  
命人謂公以片言止亂云壬子冬入覲道經栝  
蒼馮公嶺永嘉丞于建遣其子饋公金于旅館  
公卻之後聞其事者扁所舍館曰卻金至今存  
一日 上問吏部尚書郭璉曰先所簡九人爲  
知府者今其來朝乎璉以公等九人名聞乃召  
入便殿傳 詔獎勞廷宴又以 御製招隱詩

半山藏稿

卷十五

四

賜之所以寵賚之者甚至旣復任感上知遇益  
恪供迺職知無不爲政暇輒詣學宮進諸生周  
旋章綸等講論大義親爲授業未幾周旋狀元  
及第章綸會試魁選卒爲名臣其餘仕進者皆  
卓有樹立公之教也癸丑歲大旱齋戒泣禱于  
山川其禱祠有云薄命請從今日止甘霖望自  
九天來又進耆老而問曰昔東海孝婦以冤死  
天不雨者三年今吾郡久旱屢禱不應意或有  
冤乎耆老林湜以烈女俞姻奴事對公驚曰此

大寃也卽自爲文祭之明旦果大雨乙卯春處  
州盜大起官軍討之敗績公乃於要害設關防  
守有一人逸入境守者執之乃殺官軍者也公  
詢知賊據烏風洞爲巢穴遣經歷黃誠潛往捕  
之得渠魁數人以歸時都指揮李貴捕盜無所  
獲乃妄執平民烙以火使誣服公移文言盜已  
獲無苦平民貴怒必欲寘所執者於死公抗言  
力爭不爲撓所存活者二百餘人永嘉民朱良  
觀良旦兄弟以爭財訟公諭以兄弟天倫大義  
因書其狀尾有祗緣花底鶯聲巧致使天邊鴈  
影分之句于是兄弟感泣退脩親睦之行是歲  
五月浙江布政使黃澤以公治行聞于朝 上  
賜璽書獎勵增秩二級 命甫下禮部尚書胡  
澐復薦公宜大用擢刑部右侍郎去之日合郡  
官吏軍民扳號塞道沿江之民亦皆望風拜泣  
于岬側如失慈母在郡九年無錙銖取于民布  
裘䟽食恬如也民思之不已爲立生祠以祀之  
旣登朝數上章言事皆關于治體每朝有大政

百官廷議弗決公從容辨析衆亦罔弗服前後  
辨繫者之寃無慮數十家又常命典獄者洒掃  
囹圄夏月則寬其桎梏正統元年九月 詔往  
維揚理鹽法惟私販情重者罪之餘悉寬貸庚  
申八月 勅公經理京畿荒政公賑濟有方半  
菽之民賴以全活者衆初麓川思任發苦邊吏  
侵刻而叛都督方正往討死之已而遣使入貢  
謝罪有欲邀功邊徼者復請討之公上章力言  
用兵非宜與羣臣不相中卒以山川險阻轉輸  
疲困弗能克始悔不用公言公引年屢乞歸少  
師楊公士奇少保楊公溥勉留之後以疾力請  
上乃許己巳八月乘輿北狩邸邸攝位 詔起  
公吏部左侍郎會北虜也先遣使入貢請遣官  
迎駕廷議弗能決公曰此大義攸關何可憚已  
乃毅然草奏率羣臣伏闕請迎 乘輿南還明  
年陞本部尚書惓惓以進賢圖治爲心而賢不  
肖好惡不一公力求退避五上章始獲命致仕  
既抵家杜門養痾絕不與世事自惟課農訓子

邑大夫問候者輒使人謝之竟弗見天順元年  
四月十一日有疾謂諸子曰吾昔爲溫郡守溫  
人戴吾實深今去溫數十年心未嘗不在溫也  
吾死神必歸溫矣越三日正衣冠坐口占一詩  
而逝贈榮祿大夫太子太保吏部尚書有子六  
人曰喬新者爲刑部尚書謚文肅以德業聞望  
名于時喬孫洛嘉靖間倅溫郡廉介有聲曰源  
曰濤曰沆曰孔陽咸以科第顯而源爲吏部郎  
則奮庸纘緒於二尚書有光者公所著有東園  
半山藏稿六卷十五

七

集尚書直解鈍菴奏議牧民備用司刑備用書  
義庭訓四書講義禮記解義若干卷藏于家

論曰鄭子產賢執政也而孔子稱其遺愛黃霸  
亦漢名卿乃班史以循吏傳亦惟其著焉耳東  
園公勛猷炳焯父子並爲名臣蓋不獨良於治  
郡也然其先有文定後有文肅開先繼序奕世  
載德慶澤之遺殆未艾矣哉

### 家傳

我王氏世居永嘉英橋舊傳五代時自閩來徙

宋季罹兵火譜逸莫考及得黃巖南門王氏譜知同出于台之寧溪今以萬十一府君爲始祖宗所知也府君諱惠字振卿世本瑯琊裔生于宋理宗寶祐五年丁巳卒于元順帝六年庚辰壽八十四府君行事久而失傳追惟啓宇茲鄉昌我胤祚奕葉百千不有明德長者積慶基仁孰能顯其世哉然則府君之德厚殆天所栽培者矣配安人陳氏合葬里之西門洋子三人長諱仕宜次諱仕朋仕信

半山藏稿入卷十五

八

肅一府君諱仕宜字東疇以行誼推爲鄉正家饒貲產卜葬地於西門洋負山面湖堪輿家物色謂發祥由之詒謀亦可稽云生元大德十年丙午卒我明洪武二十年乙亥壽九十配安人吳氏子二人長樂善府君諱珎次樂靜府君安宗

樂善府君諱珎字伯玘端謹諒直慎許可以長厚表於鄉嘗曰吾於世無他好獨有善耳自稱樂善居士府君性孝友起家儉約於義舉則勇

爲之闢家塾群族子弟肄習詩書修橋梁堰道  
築方泮陡門事具金紀善所撰誌中生平鮮疾  
病年旣耄而耳目聰明讌客觴詠不減少壯一  
時名流咸推重焉生元元統二年甲戌卒我  
明永樂二十二年壬寅壽八十九配安人胡氏  
先卒祔葬西門祖墳繼吳氏合葬膺符鄉半山  
子一諱毓爲樵雲府君胡氏出

樵雲府君諱毓字允成葬父樂善翁半山廬于  
墓側顏曰樵雲人稱樵雲處士性至孝樂善翁

半山藏稿

卷十五

九

教之嚴朝夕侍膳必衣冠儼立烹飪稍不當翁  
意輒夔夔跽請承順曲至嘗作三檜堂爲翁壽  
少保黃文簡公書卷紀其事同邑給事中方公  
祖元誌墓略云王處士性警敏慈惠聞義勇爲  
里人事多就曲直好賙人之急族里中老而孤  
嫠者貧窶者生有給死有賻婚嫁有資里嘗失  
火一望爲墟輒指廩賑之賴聚活者數十家其  
好行陰德類如此善詩歌所著有槐陰集蛙鳴  
鼓吹尚書章恭毅公序之梓藏家塾配安人謝

氏子七人長諱環次諱瑀三諱琛四爲果高祖  
諱珙五諱璩六諱由七諱城女一適御史鄭公  
道寧子璩府君志行卓犖規猷宏遠爲樂善翁  
卜宅兆得半山厚購之堪輿家稱爲福地里居  
負山瀕海初爲灌莽之墟府君胥宇以居諸子  
區分畝列方數里之間煙火相望今則鱗次櫛  
比井然成巨室焉貽謀肇緒是可忘所自哉府  
君生元至正庚子卒我明宣德丙午壽六十  
七祔葬半山詳具尚書太倉王公世貞傳中

半山藏稿

卷十五

十

平五府君諱珙字秉信偉狀巨顱有膂力敦信  
仗義能急人之難有古毅士風然性度恢宏人  
或迕之不與較德厚有容迄今爲長老所誦稱  
云生洪武壬申卒景泰辛未壽六十配安人宋  
氏府君諸兄各爲封塋半山祖壠之側而府君  
窆宋安人獨擇壠外回龍地自治生壙則於祖  
壠之右今堪輿家稱兩墳皆吉豈府君於地理  
或亦嘗究心耶要之其植德者豫也子六次爲  
果曾祖時齋府君諱封



時齋府君諱封字廷睦子四長爲先大父通政公諱鉦果少侍先大父詢府君行履大父揮涕曰府君卒時吾年甫十四何能詳哉然性度儀範猶得于追憶云府君敦謹而篤于孝友視諸庶弟不少失顏色與人恂恂寡言雅尚儒素人率愛而信焉又聞之先君曰吾侍周安人安人嘗言通政公簡靜慈惠類時齋府君而狀亦肖之嗚呼吾家自列祖以來宅心操履多務厚善先君每日誦爲子孫法乃今席餘慶駸駸稱休

半山藏稿

卷十五

十一

顯矣考祥論德是可忘厥紹哉

溪橋府君諱鉦字九思以先叅議及仲父祭酒公貴累封中憲大夫通政使司右通政府君年十四而孤家故貧事母周安人撫諸弟孝友篤至與人寬廣愷易渾忘物我而秉正操介是非淑慝則炳然於衷焉晚年二子官華顯府君以齒德尊屏跡鄉居部使者監司諸大夫先後造訪聲焰熏灼而府君謙謙辭謝如無位人性喜音樂畜歌僮調演雜劇時集昆朋爲懽率夜分

忘倦俗元宵城市張燈好事者書隱語取娛府君天質穎敏一覽輒解而言色愉愉無賢愚貴賤皆樂與親得其笑語則傳以爲快云家居崇禮收族葺始祖墓置墓田祠田新高祖墓廬諸所規爲期足垂裕永久鄉人以瀕海故隸竈籍困於鹽課府君疏于朝請輸本色均折色以恤竈艱覆議如所請詳具大學士華亭徐公叅政晉江王公所撰傳誌中生景泰庚午八月二十一日卒嘉靖丙申七月二十二日壽八十七以

半山藏稿

卷十五

十三

子激經筵講官特恩賜祭葬里人祀于社中漢東甌王行廟配張氏封恭人合葬半山

先府君諱澈字子明別號東厓少穎異篤學弱冠負士望正德癸酉舉于鄉嘉靖丙戌仕爲禮部司務累遷兵部車駕司員外郎武庫司郎中時少師張文忠公爲首相府君以舅甥姻愛乃退然斂抑陰扶善類搢紳至今稱之請告歸省尋擢福建布政使司左叅議侍大父母壽終遂疏休致府君簡靜莊重而澤以中和近人豈弟

隨賈賤卽之誠意懇至謙謙靡盈而篤於仁義  
林居幾二十年日惟推羸振乏敦禮修德爲事  
建宗祠行族約覈宗賦施荒粥凡鄰里急難及  
境土利病力所能爲者則以身肩之焉生成化  
癸巳九月三十日卒嘉靖辛亥九月十三日壽  
七十九配恭人潘氏詳具果所爲狀云

祭酒公諱激字子揚別號鶴山天質穎異書過  
目輒成誦甫垂髫能爲古文辭弱冠與先公並  
負士望正德丁卯以春秋舉浙江鄉試第二人

半山藏稿

卷十五

十三

屢上春官不第遊兩都名動公卿間因徐公曰  
仁朱公守中問學於陽明先生郡守陸公鰲高  
公文行乃卜地于城隅之慈山構鶴山書院居  
之公下帷聚徒暇則撫松調鶴若忘仕進者學  
者稱爲鶴山先生嘉靖癸未以詩經登姚涑榜  
進士令吉水治先教化每聽狀多引古人誨諭  
俾自改釋不盡繩以法民樂其簡靜久之發境  
內兇人王璇輩置之憲典而衆又相戒不敢干  
令政暇課諸生讐校經義念蕃羅先生時爲諸

生公試賞識之館之邑署與子叔懋同學丁亥  
擢吏部文選司主事戊子奉 命典廣東鄉試  
尋晉考功司郎中殫咨訪慎黜陟尤務獎拔幽  
滯海鹽澹泉鄭公四明東沙張公咸籍推轂卒  
爲名卿滿考晉南京通政使司右通政轉北司  
謄黃以才望改國子祭酒兼 經筵講官在國  
學端範崇教日講多所啓沃衆方以公輔屬望  
公念大父母並高壽屢疏乞終養

上感其詞懇允之歸承懽侍踰年乃宅憂嘉靖

半山藏稿

卷十五

十四

丁酉以疾卒壽六十二公長身玉立少負奇氣  
慨然欲自表樹檢身過於澡潔視一切庸猥委  
瑣若有所免者生平忠孝大節文行徽稱爲海  
內所宗仰云所著有文江集鶴山文集若  
仁山公諱沛字子大溪橋翁季子也慷慨端方  
有大略動希古人天資穎敏每談說物理至天  
人之故能臆測不爽先公伯仲並位通顯衆方  
歆豔公處之澹如課耕橫塘之上時與同志徜徉  
泉石仗義樂施能急人之難嘗客括蒼有江

卷千

右富商雲山同舍雲疾劇歸遺百金公拾收踰  
年雲死其子來謁悉還之先公脩古禮行宗約  
公以年德並茂推爲正凡族有忿爭旁及鄰里  
枉直咸取平於公公開誠諭之罔不帖服而退  
嘉靖壬子間倭寇擾海上鄉民皆望風奔竄公  
念先世祠墓所在不忍捐也乃集鄉子弟爲義  
兵冀保障之無何族弟僉憲東華君自嶺南歸  
議與公協益毅然爲備寇計丙辰十月倭由南  
溪抵龍灣勢出奄忽衆懼甚公與僉憲君率義  
兵禦之上金寇潰蹈海去收獲馬十餘匹及被  
擄數十人吾鄉義兵之聲遂傳遠邇甌諸鄉數  
年多苦倭患而永嘉場百里獨晏然公之力也  
郡縣高公行誼禮爲蜡賓辭不赴時年踰古稀  
而英氣若少壯戊午夏倭復大至登岬焚劫勢  
甚熾吾鄉密邇寇鋒或勸公當暮齡宜入郡城  
避之公艱然及聞寇薄梅嶺遂偕僉憲君率衆  
往禦寇佯爲退僉憲君分兵登山前瞭公留駐  
半嶺寇猝突圍遂遇害移刻諸義兵輿公歸哀

震間里郡邑士民咸咨嗟痛慕上其事行于兩  
臺督撫胡公遣官弔奠特疏聞 詔贈太僕寺  
寺丞立祠 賜額褒忠命有司春秋致祭廕子  
叔本入國學公偉幹修髯英邁倜儻平居語及  
忠節輒撫掌軒眉卒以死事膺卹典血食百世  
是可以慰公而稱不朽矣

內傳

謝安人自少知孝敬事母王安人以善養聞及  
歸樵雲府君躬婦順慈和靜正家庭無違言歲

半山藏稿

卷十五

十六

時修祀供具惟恪訓子女以大義凡舉動必開  
於禮家雖饒洽而綜理勞勩以身先之於宗族  
鄰里慶唁調卹則周旋弗倦焉早歲未育輒勸  
府君爲廣嗣計納姑女楊氏爲側室撫愛特至  
視其子如己出平生無微疾迨耄年猶事紡  
以勤儉率子孫云生元至正辛丑卒我 明正  
統戊辰壽八十八詳具鄭御史所爲誌子七長  
諱環次諱琛諱瑀諱珙諱璩俱安人出諱由側  
室楊氏出諱城庶出女一孫二十八人曾孫九

十四人玄孫二百六人名具世系

時齋翁配安人周氏世家沙村鄉魁周君感祖姑也安人三子長爲先大父通政公諱鉦次諱鑰諱鑣庶子諱鎌通政公年十四而孤諸弟方免懷抱伯叔同居者又弗憫間加陵侮安人含哀茹苦矢志貞守撫諸孤慈而能教比子婦完聚安人幸壽康弘治四年辛亥大父遷居橫塘橋堂構宏新而先君伯仲文譽日起正德丁卯仲父舉于鄉時安人尚無恙諸母氏率雍雍承

半山藏稿

卷十五

七

慈訓內外無間言家畜黃犬犬育兒每犬出一牝鷄來以翼覆之饑則銜飯哺之犬歸以身環鷄居其中狎如同類庭前兩松僅拱把嘗綴甘露識者占爲蕃昌之徵云安人貞靜純懿晚年家道寢興似續日盛衆咸以爲榮顧自安朴素諸孫以華綺進輒屏去曩時陵侮者多窘乏求濟安人猶憫而周之無數焉生永樂癸卯十一月三日卒正德壬申七月二十五日壽九十二大母恭人張氏世居滄湖與吾王氏同里閉先

隱德未顯自少師文忠公起家相

肅皇帝恭人之季弟也曾祖諱轉寶祖諱敏父諱昇俱贈光祿大夫柱國少師兼太子太師吏部尚書華蓋殿大學士曾祖妣王氏祖妣徐氏妣高氏繼陳氏謝氏俱贈一品夫人恭人少失恃事二繼母孝已謝夫人復卒少師公尚幼恭人撫之成立有兄之愛有母之親焉年二十歸先大父溪橋翁起居相賓敬室無忤言事曾大母周安人孝養備至諸叔氏孱弱恭人視之情

半山藏稿

卷十五

十八

義甚周皆撫有而室族子弟往恭人側必訓之儉約至見人窘急則慨然捐施雖販夫丐子亦以恩存恤之靡厭也族婦葉氏嫠而苦節舅欲迫其再適恭人聞之瞿然曰賢哉此婦而可不成其志乎趣先大父往諭止之厚恤終其身恭人性嗜澹泊不豔榮利先公伯仲初第時族人羣會恭人不矜喜顧持一二寡賴者咨嗟慰泣晚年少師公位元輔先公官兵部郎仲父官國子祭酒被恩拜封誥人咸以爲榮而恭人若



忘其貴每問訊惟以居官得失爲言少師公三已四名告行于恭人恭人諭曰爾好爲朝廷作福其明於大義以德業勸勉子弟有如此迨寢疾先公徙官過家仲父以侍養乞歸而少師公亦辭榮還第聚首數月乃終時嘉靖乙未六月十五日距生景泰癸酉九月十五日享年八十三與先大父並壽云

先母潘氏封宜人贈恭人世家吾鄉龍灣里幼莊慧嘗受孝經論語能曉大義歸我先公厓翁先公蚤爲諸生授學于外宜人躬勤約佐之事大父母孝敬遇諸母不少失懽愛門內稱肅讎焉先公屢試未第且艱嗣宜人爲置媵撫以慈惠旣而先公以強年取科名連舉果兄弟皆宜人出愛甚矣顧戒以端謹勗以勤苦慈而能教至今誦遺言服徽範未嘗不泫然戚也先公初仕宜人不從行迨公歸省携果兄弟如京師學宜人乃偕往嘉靖甲午五月尋以疾卒于京師距生成化丁酉得年五十八詳具果所爲狀中

行狀

先叅議厓翁行狀

先府君諱澈字子明別號東厓世居永嘉英橋里始祖萬十一公諱惠二傳諱仕宜三傳諱珎四傳樵雲公諱毓府君高祖也大王氏者自樵雲公始曾祖諱珙祖諱封父溪橋公諱鉦以仲子祭酒公諱激貴封中憲大夫通政使司右通政有碩德鄉人戴之祀于社母張氏封恭人少師張文忠公姊也府君蚤歲穎異向學不戒而半山藏稿卷十五

勤與少師公及祭酒公自相師友爲諸生每試伯仲並首兩庠鄉儒紳濟集受業一時稱士望者必曰二王云正德丁卯祭酒公魁兩浙祭酒府君繼領鄉薦同上春官祭酒公成進士府君選爲禮部司務歷陞兵部車駕司員外郎武庫司郎中時少師公秉鈞軸祭酒公官銓曹聲焰方灼府君退然自抑少師公獨加愛敬每就諮訪府君一以忠信周旋扶植善類不遺餘力卒未嘗宣之口齒而搢紳先生至于今猶樂道之

張皇親鶴齡

敬皇帝后弟也。怙寵恣橫，吏發其辜。

肅皇帝震怒，欲置之族。株連幾二百人。少師公持議未決。府君力救之。且私于少師冢。嗣中書君俾同爭中書。君陳狀具如府君言。少師感悟。面祈于。上久之。事從末減。少師公立朝。正直清忠。諸建置。予奪。讐服中外。府君毗贊爲多焉。徊翔郎署。凡十年。公卿寮友雅見愛重。下逮胥吏。隸役亦懷其德。厚眷眷不忍釋。嘉靖甲午先

半山藏稿

卷十五

二十五

母潘宜人卒于京邸。府君携果兄弟扶櫬歸時。大父通政公大母張恭人年並近耄。府君承權侍養。澹無宦情。而福建叅議之命適至。竟不赴。未幾連邁。大艱服闋。上疏乞休。致時閉門却掃。日惟以推羸振乏。敦禮舉義爲事。族姓繁衍。府君欲行宗法。乃酌先儒議於始祖萬十一公墓。右建宗祠堂。廡坊門制極偉敞。寬可容千人。費約千金。皆捐之。私帑不以一錢歛之。族人祠成。著族約立族正司訟司禮司糾。若而人。旌察

淑慝有陵噬忿爭者則遵約以聽之不使煩于  
有司歲時祠祭割田爲常需惟豐惟恪每歲立  
春祭畢行餼禮設百餘席大會族衆歡以酒食  
申以訓辭衣冠來集者幾千人肅肅雍雍如也  
族有孤嫠老疾及死喪無告者出餘貲振之宗  
屬丁田積夥役賦易消每歲大造後則募役類  
纂本戶冊籍使息耗有稽征輸罔滯而費則一  
出於府君家有羨貲而黜靡戒奢自奉如在約  
以義用之則厚捐弗靳其布德樹恩不惟族之  
半山藏稿卷十五  
三五

人利賴歌舞舉姻戚故舊無問賢愚疎近凡緩  
急多以爲歸家居恥事請謁至鄉土利病所宜  
興革者則力言于當道以身肩之所居永嘉場  
瀕海故有沙城衛鹵地歲久風濤蕩蝕過半通  
政公嘗議隄以石䟽于朝事下所司格不行  
府君承先志銳請于巡鹽御史鄆公籲衆經役  
而工聿成竈氓賴之不衰嘉靖乙巳歲大饑富  
室閉糴米價驟騰道殣相望閭井嗷嗷府君捐  
廩減價平糶隨語果曰減價宜矣無錢待哺者

將奈何乃盡發餘粟就宗祠廣設糜粥其法先期戒僕役日晡時作粥達旦始具及晨鳴鼓召餓者入局大門鱗次趺坐壇廡間婦女幼稚則別於堂中及兩廳日集者踰千人坐定按次頒粥調度有方午後始竟如是者兩月遠鄉深谷之民率携家來就婦女皆執麻泉環坐祠前雜治老弱嬉戲待哺及稻熟告歸纍纍望吾廬拜祝而去所賴存活者不可勝計凡買置諸產業必稱其直不務規小利一切閒田廢寺時例召

鬻有司間以畀府君府君輒謝之嘗曰爲子孫世業而可遺之以爭端乎其不苟取類如此府君器宇疑重平生無褻容嫚語性度坦夷望之者知其爲福人信其爲長者近人以忠不爲口惠竟日儼坐庭中客至則從容款洽雖紛雜不厭隨貴賤小大遇之如一其謙謙下人率不由于矯不妄喜不留怒不念舊怨惟德則必酬是非好醜臚然於中顧多務含蓄而發於義者固侃侃也其於故舊情義尤篤卽曠遠弗遺故歸

田逾久而僚友之聲問往來者猶數數焉每事  
惟求自盡而不責備於人順達時宜亦不詭隨  
於俗其孝友刑于家溫恭惠慈孚於族純誠厚  
德洽于鄉鄰姻戚賢聲聞頌于遠邇搢紳卒  
之日莫不歛歔痛盡其所感者素也此豈有一  
毫鈞名徼惠之行哉府君強年始第艾乃仕者  
而致政優游林下幾二十載端居靜攝老而不  
衰後患喘久之肺虛致脾疾遂不起嗚呼痛哉  
時嘉靖辛亥九月十三日也距生成化癸巳九  
月三十日享年七十有九子男二長叔果嘉靖  
庚戌進士累官廣東按察司副使前以兵部職  
方司主事滿考加贈府君朝議大夫次叔杲嘉  
靖壬戌進士累官湖廣布政使司右叅政女一  
適南康縣丞嚴孔昭卒之又明年癸丑春正月  
果等治墓宋壘因誤次行實乞銘於大方萬曆  
十五年丁亥秋九月改遷于茅竹之西原距初  
葬凡三十五年云

先宜人行狀

先母宜人姓潘氏世居邑之四都龍灣里父諱  
鬱母張氏皆茲鄉右族所生男女長次俱蚤世  
且無後季惟宜人貴而有子人以爲鍾美焉然  
亦僅止中壽傷哉宜人性端莊幼嘗受句讀于  
家塾能解文義父母故鍾愛里中議婚者率不  
輕諾年二十歸我先君叅議公先君蚤游庠校  
有聲家故涼薄大父母在堂二叔氏合爨而食  
宜人佐以勤儉承以孝敬梱內事無巨細公私  
率躬先勞勩大母張恭人賢之曰冢婦固宜爾  
半山藏稿卷十五

時家道寢昌二三娣姒同心協相一門雍雍如  
也先君屢困場屋且艱嗣宜人慰解之曰置媵  
爲後計任君圖之功名遲速有時需焉可也先  
君年四十一始舉于鄉再踰年連育果兄弟皆  
宜人出也宜人以兒女構戚中年多苦病旣乃  
得二子喜出望外先君初仕禮部司務或勸宜  
人從焉宜人辭曰吾上承老親下撫弱息綜理  
家政俾夫君無內顧憂斯吾志也及先君奉差  
歸省欲攜果兄弟就學于京宜人迺偕往先君

歷官兵部武庫郎中被 恩拜封誥宜人喜曰  
二親在堂二兒可室吾其歸矣方戒行而疾作  
卒于京邸時嘉靖甲午五月十四日距生成化  
丁酉正月十二日得壽五十八是歲冬扶襯南  
歸明年春附窆于半山祖壠後以厥壤卑濕乃  
改遷與先君合葬卒後二十三年果以兵部職  
方司主事滿考宜人加贈恭人子男二叔果叔  
杲女一適嚴孔昭孫男四光蘊光薦光普光美  
曾孫男十至言至充至齊至章至亮至奇至直  
半山藏稿 卷十五  
二十六

至褒至充至京嗚呼宜人憂病半生勞苦萬狀  
凡爲果兄弟也甫見成立享安榮遽爾見背傷  
心尚忍言哉其賢孝懿美不能殫述惟是義方  
之訓果輩親受之又惡敢誣惡敢忘耶果兄弟  
爲童時卽專令小臧獲循謹者領之嬉游母俾  
羣兒伍里巷燕褻之聲佻僑之習未嘗接于耳  
目及就外傳乃延族諸父爲師聽其督策之嚴  
不求寬假果輩退息時或有過言過動輒呵戒  
曰師來吾必白之竟不爲少隱嘗膳大父母果



輩侍食于旁必別具糲飯曰人口固無常慣食  
甘美遇粗糲便不能堪年饑里中多食麥亦令  
果輩食麥曰試嘗此味庶知稼穡艱難也果兄  
弟弱齡未嘗衣紬帛曰爾固布衣時欲須美服  
努力向學可矣嘗舉先君及仲父微時事以勗  
果兄弟曰糞鹽風味學者宜知之爾父叔所以  
有今日者皆勤苦中來也故果兄弟雖不肖而  
能甘澹泊耐勤苦視一切戲嫚事殆若有不能  
者實宜人之教使然嗚呼音容日渺慈訓若聆  
羊山藏稿卷十五

三七

惟是懿德淑行未能闡揚以示來許不孝之罪  
曷辭哉是用忍痛含哀粗述遺槩以乞言於名  
家焉

10744

